

FAKKEL-FLITSE

Weeklikse nuusflitse vir 'n ingeligte Framesby-familie!



UITGAWE 262 · 25 MAART 2022

Kontakbesonderhede: mediasentrum@framesby.co.za

10 FRAMESBY-ATLETE EINDIG ONDER TOP 10 IN SA

Elf Framesby-atlete het aan die SA Skole-byeenkoms in Germiston deelgeneem. Ons is baie trots op die uitstekende uitslae!

- 2x brons medaljes: **Zander van Eyk**, seuns 0/19, paalspring, hoogte van 4,10m.
- **Damien Witbooi**, seuns 0/15, driesprong met 'n persoonlike beste van 12,57. Twee vierde plekke:
- **Jana Terblanche**, dogters 0/17, hamergooi met 'n persoonlike beste van 46,45.
- **Anel Strauss**, dogters 0/17, 2000m hindernis, tyd van 8,04.
- **Thriscka Stapelberg**, dogters 0/19, 6de in 100mH finaal met 'n persoonlike beste van 14,85.
- **Alexia Meiring**, dogters 0/15, 7de in paalspring met 'n persoonlike beste van 2,10.
- **Zanri Black**, 400m H finaal met 'n seisoen beste van 64,08.
- **Jade de Jager**, dogters 0/15, paalspring, 8ste plek, hoogte van 2m.
- **Annree van Zyl**, dogters 0/15, paalspring, 9de plek, hoogte 1,90m.
- **Anri van Zyl**, 10de in 100m H, tyd van 15,06 EN 9de in 100m in 'n tyd van 12,66.
- **Damien Witbooi**, seuns 0/15, verspring met persoonlike beste afstand van 6,03 8m.
- **Charnleigh Kotze**, dogters 0/19, 11de in gewigstoot met afstand van 10,53m. Baie geluk aan al die atlete.

LEILA IN SA-0/17 SPAN OPGENEEM!

TENNIS

Die interprovinsiale tennis-toernooi vir 0/19 is die afgelope naweek in Pretoria gehou. Die Oos-Kaap span het algeheel 5de geëindig waar hulle slegs teen 1 provinsie, uit die 6 waarteen hulle gespeel het, verloor het.

Leila Nel is een van 6 meisies wat verkies is tot die SA-0/17 span.

Na afloop van die interprovinsiale toernooi het die SA-0/17 span teen 'n uitnodigingspan gespeel waar Leila 6-3, 6-2 gewen het.

Die SA span gaan in Junie Londen toe om daar deel te neem asook om die Wimbledon te kyk. Baie geluk, Leila! Jy maak Framesby baie trots.



ZANDER VAN EYK



DAMIEN WITBOOI



**HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE**

VERJAARSDAE DIE WEEK

SATERDAG . 26 MAART

Juffrou D. Roberts
Sebastian Barnard
Wiandré Venter

SONDAG . 27 MAART

Tiaan Stoltz
Ané Botha
Lenné Carlson
Chené Marais
Jenske vd Merwe

MAANDAG . 28 MAART

Caisey van der Berg
Hayley Bagley
Alexia Meiring
Chandré van Eck
Nathan Deysel
Josh Nel

DINSDAG . 29 MAART

Stefan Jooste
Shanelle Minnie

WOENSDAG . 30 MAART

Michael Jacobs
Elri van Rensburg

DONDERDAG . 31 MAART

Emil Viljoen
Xander Myburgh
Jaiden Brewis
Marco Stroebel
Miné Stroebel
Kaylee-Jay Witbooi

VRYDAG . 1 APRIL

-

SATERDAG . 2 APRIL

Zoë Oelofse
Cole Hilpert
Monica Botha

SONDAG . 3 APRIL

Ewald Labuschagne
Josk York
Donovan Norton
Xhay-Leigha Hammond

MAANDAG . 4 APRIL

Jaden Landman
Duston Vermaak
Ethan Smit
Carel de Lange
Dian Havenga
Megan Stopforth

DINSDAG . 5 APRIL

Elandré Kock
Marli Kruger
Ashlynn Moran
Keagan Crocker

WOENSDAG . 6 APRIL

Melandi jv Rensburg
Heslé de Lange
Graham Harris
Ethan Terblanche
Leander Terblanche
Milan Terblanche
Gabiella Bingle

DONDERDAG . 7 APRIL

Jude Lawack
Damian Schlodder

VRYDAG . 8 APRIL

Pieter Pretorius
Zack Serfontein
Liani vd Merwe
Ivan Jonker
Caeli Dauth-Taylor
Malan du Preez



UIT DIE HOOF SE KANTOOR:

Beste Ouers

Ons kom staan met groot dankbaarheid voor ons Hemelse Vader vir die besondere kwartaal wat Hoërskool Framesby kon beleef. 'n Kwartaal met vele hoogtepunte op verskeie gebiede.

Ouers, my groot dank aan u vir u ondersteuning. Sonder u ondersteuning aan my en Hoërskool Framesby kan ons nie op die pad van uitnemendheid voortbeweeg nie.

Groot dank ook aan my personeel wat uitstaande werk verrig en op vele gebiede my taak ligter maak.

Ons het met groot leedwese verneem van die afsterwe van een van ons oud-leerders van 2021, Zoë Terblanche. Ons dink in die besonder ook in hierdie tyd aan Henk, Rhode, Hein en Jana. Mag ons Hemelse Vader hulle ook besonder vertrous in hierdie moeilike tyd.

Ek wil graag die volgende belangrike sake onder u aandag bring:

A) KWARTAALVERSLAE

Dit is vir ons onmoontlik om Vrydag, 25 Maart 2022, akademiese verslae aan leerders te gee as gevolg van die Nasionale Departement van Onderwys wat nie die opdatering van die administratiewe stelsel [SASAMS] betyds gedoen het nie. Verslae sal in die tweede kwartaal op Vrydag, 8 April 2022, uitgaan.

Leerders is bewus van hul uitslae en het dit alreeds ontvang. U kan solank al met hulle in gesprek tree hieroor.

B) KWARTAALPROGRAM – TWEEDE KWARTAAL 2022

Vind aangeheg die volledige kwartaalprogram vir die tweede kwartaal. Alle bykomende datums wat in kwartaal 2 ontvang word, sal later deurgegee word.

U moet kennis neem dat die eerste 5 weke in die tweede kwartaal slegs uit 4 skooldae elk bestaan as gevolg van vakansiedae. Ons leerders moet hiervan bewus wees en hulle akademies daarvoor voorberei, aangesien die Mei/Junie-eksamen spoedig daarna begin.

C) FAKKELFLITS

Ek moedig u aan om die Fakkelflits deeglik te bestudeer. Hier hou ons u op hoogte van alle gebeure en prestasies. Dit is op Framesby se Facebook-blad beskikbaar.

D) VOORKOMS VAN LEERDERS

Ek wil u net weer vriendelik versoek om ons hand hierin te sterk. Die korrekte kleredrag en voorkoms word baie duidelik in die jaarbeplanner uitgestippel. Netjiese en korrekte kleredrag dra tog ook immers die goeie beeld van 'n skool uit.

Ons doen ook 'n beroep op u om toe te sien dat ons leerders se voorkoms tydens sporttoere van goeie smaak sal getuig.

E) OUERAANDE – KWARTAAL 2

Neem kennis van die oueraand wat soos volg geskeduleer is:

Grade 8,9,10,11,12 – 12 April vanaf 18:00 – 20:00

U teenwoordigheid is hier van onskatbare waarde.

F) FINANSIES

'n Woord van opregte dank aan elke ouer wat sy skoolfonds getrou betaal. Daar is egter ouers wat die betaling agterweë laat bly. Ouers, dit is 'n wetlike verpligting en ons versoek vriendelik dat u dit nakom. Dit is in belang van ons leerders.

Graadfooie was teen einde Februarie betaalbaar, maar u kon reëlings met mev. A Germishuys vir die afbetaling daarvan tref.

Handboeke word op 'n addisionele rekening gehef. Géén handboeke sal egter aan leerders geweier word nie. Dié rekening moet asb. vereffen word. Die Beheerliggaam het 'n vergunning aan u verleen om uitstel tot 30 April 2022.

Indien u enige navrae het, kontak mev. A Germishuys per e-posadres by skoolfonds@framesby.co.za.

G) HEROPENING VAN SKOOL – TWEEDE KWARTAAL

Skool heropen weer op 5 April 2022 met Dag 8.

H) HULPKLASSE

Alle hulpklasse begin in die tweede kwartaal op Maandag, 11 April 2022. Leerders sal weer uitnodigings hiervoor ontvang.

I) NSS-EKSAMEN MEI/JUNIE

Matriekleerders van 2021 kan die eksamenrooster op Framesby se webtuiste aftrek. Leerders mag slegs skryf in die vakke waarvoor hulle aansoek gedoen het. Dit sluit ook alle vraestelle vir elke vak in.

Ek dank u vir u volgehoue ondersteuning. Soos ek dikwels vir u sê: die toekoms van Hoërskool Framesby is blou en goud! Kom ons werk almal saam om dit so te hou.

Vriendelike groete,


MARIUS GERMISHUYS
SKOOLHOOF



Maart 2022

Sondag	Maandag	Dinsdag	Woensdag	Donderdag	Vrydag	Saterdag
27 Rugby: o.14 & o.15 Kwagga Junior Week Rugby: o.16 Paarl Gim Week	28 Rugby: o.14 & o.15 Kwagga Junior Week Rugby: o.16 Paarl Gim Week	29 Rugby: o.14 & o.15 Kwagga Junior Week Rugby: o.16 Paarl Gim Week Hokkie: Dogters 1ste Fairmont Fees	30 Rugby: o.14 & o.15 Kwagga Junior Week Rugby: o.16 Paarl Gim Week Netbal: o.14,o.15,o/16, 1ste Paarl Gim Hokkie: Dogters 1ste Fairmont Fees	31 Netbal: o.14,o.15,o/16, 1ste Paarl Gim Rugby: Grey Fees 1ste: Jeppie 2de span: Queens College Hokkie: Dogters 1ste Fairmont Fees Atletiek: ASA Kampioenskappe	25 Skool Sluit Rugby: o.14 & o.15 Kwagga Junior Week Rugby: o.16 Paarl Gim Week	26 Rugby: o.14 & o.15 Kwagga Junior Week Rugby: o.16 Paarl Gim Week

April 2022

Sondag	Maandag	Dinsdag	Woensdag	Donderdag	Vrydag	Saterdag
					1 Netbal: o.14, o.15, o/16, 1ste Paarl Gim Hokkie: Dogters 1 ^{ste} Fairmont Fees Tweekamp: SA's PE Atletiek: ASA Kampioenskappe	2 Netbal: o.14, o.15, o/16, 1ste Paarl Gim Rugby: Grey Fees 1ste: Selborne College 14A, 16A: Hudson Park 15A: Despatch Hokkie: Dogters 1 st Fairmont Fees Tweekamp: SA's PE Atletiek: ASA Kampioenskappe
3	4	5	6	7	8	9
		Skool Open Dag 8 DH: Mnr. Bosch FFK/FOV 18:00 Regstellings deur GH	Dag 9 Kontrole van proefrapporte in voogklas Landloop - Pret-draf QMS - Klasbesoeke Boekkontrole begin	Dag 10 QMS - Klasbesoeke English debating-workshop Finale rapporte druk	Dag 1 Rapporteer aan leeders QMS - Klasbesoeke Bloedskenk MB: Uittrek na Laerskool Republiek	Hokkie: Dogters vs Victoria Girls (t)
10	11	12	13	14	15	16
TK Hokkie Challenge 1 ste span seuns	Dag 2 DH: Mnr. Gerber QMS - Klasbesoeke Notule 3 na AH 1 ste pouse: Graadhoofdevergadering FRUK oudisies vir ATKV tiernetoneel SA - Taalbondeksamen	Dag 4 QMS - Klasbesoeke Oueraand Gr. 8 - 12 18:00 - 20:00	Dag 5 QMS - Klasbesoeke Landloopliga 1 1ste Rugby - Kearsney Kollege FRUK oudisies vir Interhuis toneel kompetisie	Dag 5 QMS - Klasbesoeke 1ste Rugby - Kearsney Kollege (EG Jansen)	Goeie Vrydag 1ste Rugby - Kearsney Kollege	1ste Rugby - Kearsney Kollege (Pretoria Boys High)
17	18	19	20	21	22	23
1ste Rugby - Kearsney Kollege	Gesinsdag 1ste Rugby - Kearsney Kollege (Kearsney Kollege)	Dag 6 DH: Mv. Loftus QMS - Klasbesoeke 1 ste pouse: Graadhoofdevergadering Hokkie: Dogters vs Pearson (w) 1ste, o.16A, o.14A	Dag 7 QMS - Klasbesoeke Landloop aflos 1 ste pouse: Senior Vakhooftde vergadering	Dag 8 QMS - Klasbesoeke 1 ste pouse: Junior Vakhooftde vergadering	Dag 9 QMS - Klasbesoeke ATKV Debat - eerste rondte Bergfiets: Liga 1	Rugby: Daniel Pienaar (w) Landloop Liga 1 ATKV Redenaarsuitdunne H/s Grey
24	25	26	27	28	29	30
	Dag 10 DH: Mnr. Van Niekerk QMS - Klasbesoeke 1 ste pouse: Graadhoofdevergadering TG: Wisk - Gr. 8 - 12 Wisk G - Gr. 10 - 12	Vryheidsdag Dag 1 QMS - Klasbesoeke Flinkdinkers werkswinkel	Dag 2 QMS - Klasbesoeke KKinniek - Kuns en Kultuurraad in Die Kosblik	Dag 2 QMS - Klasbesoeke KKinniek - Kuns en Kultuurraad in Die Kosblik	Dag 3 QMS - Klasbesoeke Boekkontrole eindig Rugby: Wildeklawer 1ste, 14A, 15A, 16A	Rugby: Wildeklawer 1 ste, 14A, 15A, 16A vs Garsfontein Landloop: OP-Liga 2 Bergfiets toer vir liefdadigheid

Mei 2022

Sondag	Maandag	Dinsdag	Woensdag	Donderdag	Vrydag	Saterdag
1 Werkersdag Rugby: Wildeklawer 1ste, 14A, 15A, 16A	2 Vakansiedag Rugby: Wildeklawer 1ste, 14A, 15A, 16A vs Welkom Gimnasium	3 Dag 4 DH: Mev. Hamilton 1 ste pouse: Graadhoofdevergadering Notule 4 na AH	4 Dag 5 Werksafbakening vir eksamen na AH Landloopliga 2	5 Dag 6 English debating - Adjudicating workshop Netbal Challenge Despatch 0.14/0.15/0.16/0.19	6 Dag 7 Netbal: Friday Night League Filantropie: "Beach" skoonmaak	7 Landloop Liga Hokkie: Dogters en Seuns Despatch (t)
8	9 Dag 8 DH: Mev. De Jager 1 ste pouse: Graadhoofdevergadering TG: Wisk - Gr. 8 - 12 Wisk G - Gr. 10 - 12 FFK/FOV 18:00	10 Dag 9 Hokkie: Dogters vs Woodridge Interne Robotics kompetisie	11 Dag 10 Landloopliga 3 Hokkie: Seuns vs Woodridge Trust-vergadering	12 Dag 1 MB: Selfverdediging vir dogters Netbal Challenge Pearson 0.14/0.15/0.16/0.17/0.19	13 Dag 2 Netbal: Friday Night League Filantropie: Sopkombuis Dans Toetse	14 Interskole Dans kompetisie Kingswood Kollege (w) Rugby, Netbal, Hokkie SASMT Into the Mix musiekkompetisie
15	16 Dag 3 DH: Mnr. vd Walt 1 ste pouse: Graadhoofdevergadering Hokkie: Westering Seuns & Dogters (t/w) BL: GTT-vergadering	17 Dag 4 BL: Finansvergadering Pinkster	18 Dag 5 Landloopliga 4	19 Dag 6 MB: Recharge-sessie Netbal Challenge Brandwag 0.14/0.15/0.16/0.17/0.19	20 Dag 7 Noodplan Inoefening Gholf: Marlow (w) Musiekaand in Saal	21 Netbal: Despatch (w) Dogtershokkie: Riebeeck Landloop: OP-Liga 2 Rugby: Marlow (w)
22	23 DH: Mev. Strauss Eksamen Gr. 8 - 12 begin BL-vergadering	24	25 Hokkie: Seuns en Dogters vs Victoria Park	26 English debating v Westering High	27 Bengfiets: Liga 2 Summit: Stellenbosch	28 Rugby: Meyer Sauerman (OP Finale Proewe) Landloop: OP-Liga 3 Summit: Stellenbosch
29 Summit: Stellenbosch	30 DH: Mev. Smit	31				

Junie 2022

Sondag	Maandag	Dinsdag	Woensdag	Donderdag	Vrydag	Saterdag
			1	2	3	4
5	6 DH: Mev. Basson FFK/FOV 18:00	7	8	9	10	11 Hokkie: Dogters Union (w) Landloop: OP-Liga 4
12	13 DH: Mnr. Bosch	14	15 Eksamen Gr. 8 - 12 Eindig	16 Jeugdag	17 Skole Vakansiedag	18 Landloop OP Kampioenskappe Landloop: OP-Liga 5
19	20 Dag 8 DH: Mev. Loftus Dag 8 1 ste pouse: Graadhoofdevergadering Punte ingevoer SASAMS 16:00 Vakhoofde kontrolleer "ALL" lyste	21 Dag 9 Druk van dwarsstate en kontolleer deur GH 16:00 Druk van proefrapporte	22 Dag 10 Kontrolle van proefrapporte Druk van finale rapporte	23 Dag 1 Tekens van finale rapporte	24 Skool Sluit Rapporte aan leerders Knysna - Landloop Landsdiens Streekkamp: Skietfontein Bergfiets: Liga 3	25 Knysna - Landloop Landsdiens Streekkamp
26 Landsdiens Streekkamp Knysna - Landloop	27 Landsdiens Streekkamp Knysna - Landloop	28 Landsdiens Streekkamp	29 Landsdiens Streekkamp	30		

VAKANSIESPORT:

RUGBY

O/14 & O/15 RUGBY:

JUNIOR KWAGGAWEEK | 25-30 MAART

GREY PE FEES | 2 APRIL

PHILLIP BOSCH

LOUIS ELLIS

FRANCOIS VD WALT

JACQUES DU PREEZ

O/16 RUGBY:

PAARL GIMNASIUM O.16 TOERNOOI | 25-30 MAART

GREY PE FEES | 2 APRIL

KARLO ASPELING

ERWIN I STRAUSS

1STE EN 2DE RUGBY:

GREY PE FEES | 31 MAART & 2 APRIL

LOUIS GERBER

STEFAN DE KLERK

CHRIS NEL

KONRAD DE VILLIERS

CHRISTO SCRIVEN

(2DE SPAN SLEGS 31 MAART)

NETBAL

PAARL GIMNASIUM NETBAL TOERNOOI | 29 MAART – 2 APRIL

O/14 TOT O/19 A-SPANNE:

TWANE NELL

ELZANI DU PREEZ

LIANA SMIT

JUANITA DU PLESSIS

HEIDI STRAUSS

ELRI JONKER

HOKKIE

1STE DOGTERS HOKKIE:

FAIRMONT HOKKIE FEES (KAAPSTAD) | 29 MAART – 3 APRIL

JORDAN DRURY

SHANLEIGH HAVENGA

STERKTE AAN AL ONS SPANNE!!

SPORT UITSLAE:

HOKKIE

1ste Dogtershokkie @ Gregg Belling Toernooi:

Wen 3-2 vs st Mary's

Verloor 2-1 vs Hudson

Wen 2-1 vs Kingsridge

Gelykop 1 – 2 vs Girls High

1ste Seunshokkie @ Gregg Belling Toernooi:

Verloor 3-1 vs Curro Klerksdorp

Verloor 4-0 vs Hudson Park

Verloor 9-0 vs Dale College

Verloor 8 – 0 vs Eldoraigne

o/16 A Dogtershokkie @ Pearson Toernooi:

Verloor 3 – 0 vs Collegiate B

Verloor 2 – 0 vs Pearson B

Gelykop 1 - 1 vs Westering

Verloor 7 – 1 vs Collegiate

RUGBY

Rugby vs St Andrews @ SAC / Graeme Dag

14 A 17-5 wen

14 B 42-0 wen

14 C 49-5 wen

(o.15 A wen 19-0 vs Andrew Rabie by Rabie Fees)

16 A 14 - 15 verloor

16 B 31-12 verloor

4de 22-0 verloor

3de 46-12 verloor

2de 17-29 verloor

1ste 24-22 wen @ Graeme Rugby Dag

NETBAL

1ste Netbal @ NMU Toernooi

A-reserwe liga:

Wen Brandwag 13-6

Wen Madibaz 10-7

Wen EC Celtics 22-0

Wen DSG 11-7

Verloor Despatch 12 – 15

Wen Fort Hare Universiteit 12 – 8

SWEM

Geluk aan Chloé Steyn en Anri de Beer wat die provinsie by onderskeidelik die SANJ Gala en SA Junior en Senior Streeksbyeenkoms gaan verteenwoordig.



GR. 8A'S WYS HUL UITHOU VERMOË BY LANDLOOP-KOMPETISIE

GRAAD 8-LANDLOOP:

Sowat 60 graad agts het gister aan die graad 8-landloopkompetisie deelgeneem. Die kompetisie was baie sterk. Die 8A's het die meeste deelnemers gehad en het die dogters- en seunspankompetisie gewen.

Baie geluk aan die deelnemers. Die eerste 5 plekke was as volg:

Eerste 5 seuns

1. Jaco Strydom
2. Luka Bessinger
3. P.J. Louw
4. Lukas Jacobs
5. Lukas de Klerk

Eerste 5 dogters:

1. Zia Ferreira
2. Meke de Vries
3. Marie Geissler
4. Milan Bosch
5. Annree van Zyl



LANDSDIENS



18 LEEDERS DRING DEUR NA 2DE RONDTE VAN SA WISKUNDE OLIMPIADE:

Die volgende 18 leerders het daarin geslaag om deur te dring na die 2de rondte van die Suid-Afrikaanse Wiskunde Olimpiade wat op 12 Mei 2022 plaasvind.

Gr 12 : Tiaan de Beer

Gr 11 : Juan Whittle, Heila Oosthuizen, Kristien van Schalkwyk, Chanelle Steyn, Hein Terblanche en Elanca van Jaarsveld

Gr 9 : Dylan Wannenburg, Evan Claassen, Anri de Beer en Ryan Louw

Gr 8 : Matthys Potgieter, Paul van Heerden, Cindy Langeveldt, Daniël Stofberg, Ruben Bower, Reynard Jansen, Marli B chner

Veels geluk aan elkeen van julle – dis 'n groot prestasie!



Sterkte se aan al die Tweekamp atlete wat aan die SA Tweekampbyeenkoms gaan deelneem. Dit word vanaf 1 - 2 April in Gqeberha gehou .

NETBAL-AFRIGTERS:

Afrigters, Jeanie Steyn en Juanita van Tonder, vorm deel van die groep wat moontlik gekies kan word om die Spar Proteas te teenwoordig gedurende die Commonwealth spele in Birmingham, Engeland. Hierdie spele vind 28 Julie tot 8 Augustus plaas.

Die proewe vind 25 - 31 Maart plaas in Stellenbosch.

Baie geluk, afrigters! Framesby is baie trots op julle.



LAERSKOLE SPORTDAG

Hoërskool Framesby het 'n baie suksesvolle **0/13 Laerskole Sportdag** onder leiding van mnr. Scriven aangebied. Vyftien laerskole het die dag bygewoon. Hokkie-, netbal- en rugbywedstryde het vanaf 13:30 plaasgevind. Baie dankie aan Bryan Bands vir hul borgskap sowel as aan al die laerskole wat die dag bygewoon het. Die skole sluit in: Mount Pleasant, Charlo, Altona, Westering, Lorraine, Kabega, Handhaaf, Verkenner, Dr. Viljoen, Summerwood, Sunridge, Jeffreysbaai, Newtonpark, Rowallanpark en Stirling.



ONS NEEM AFSKEID:

Hierdie kwartaal neem ons afskeid van juffrou Landman en juffrou Rautenbach. Dit laat 'n groot leemte in ons harte en ons wil elkeen vir hul bydra bedank. Juffrou Landman is al vir 40 jaar by Hoërskool Framesby betrokke en juffrou Rautenbach vir 20. Ons wens albei die welverdiende rus toe en mag julle jul aftrede terdeë geniet.

Juffrou Landman



Dit is met 'n seer, maar dankbare hart dat ek Framesby groet. Seer, want ek was 40 jaar en 3 maande aan die skool verbonde en dankbaar vir al die geleenthede wat ek hier ervaar het. Ek was aan die skool op vele terreine verbind. Ek het as 'n jong, onervare onderwyseres by Framesby arriveer.. Die BA Graad in Tale en die HOD Diploma wat ek aan Die Universiteit van Port Elizabeth (NMU) verwerf het, was my enigste hulpbron. Na sewe jaar by Framesby, het ek my Honneursgraad in Bantoetale verwerf.

Ek het vinnig my voete hier gevind, want die onderwysers was puik en baie hulpvaardig. My jare by Framesby was geseënd. My hemelse vader het my altyd gelei. Ek was vakhoof van isiXhosa en dit het my interaksie met onderwysers van ander skole gegee.

By Framesby het die leerders gou diep in my hart geklim. Ek was gelukkig om baie sportsoorte af te rig: tennis, swem, seunskrieket (Ja!) ,dogters- en seunshokkie. Die seunshokkie was my passie. Ek was organiseerder vir baie jare. Ek dink van al die onderwysers, is ek die blyste oor die Astro. Ek het gesoebat daarvoor. Nou kan ons kompeteer met alle skole en elke toernooi met selfvertroue aanpak. Ek hou julle dop.

My isiXhosa-klasse sal altyd my hart wees. Ek is destyds in 'n isiXhosa-pos aangestel, met Engels vir die junior klasse. Ek kan ook spog dat ek Afrikaans, Aardrykskunde, Kuns-en Kultuur en Lewensorienting onderrig het. Dit was 'n fees. My vak isiXhosa het ook vir my die geleentheid gegee om as eksaminator vir IsiXhosa Tweede Addisionele Taal aangestel te word. Dit was 'n groot

uitdaging, wat ek met albei hande aangegryp het.

Op sosiale gebied het ek nooit lyf weggesteek nie. Framesby weet hoe. Die vele personeelkonserte (wat propvol sale gelok het), die matriekafskeide, die matriekstappe, die landsdienskampe, my IsiXhosa-kultuuraande en die vele toere. Dankie hiervoor, Framesby!

Ek groet my Framesby kollegas, vriende en leerders met 'n seer hart. Ek glo ons paaië gaan weer kruis en die spreekwoord van 'uit die oog, uit die hart' is definitief nie van toepassing op ons nie. Framesby familie bly Framesby familie.

Mag ons Vader Framesby nog net soveel seën soos die afgelope 40 jaar .
Ek is lief vir julle. Totsiens, good bye, salani kakuhle.
Me Marikie Landman

Juffrou Rautenbach




Andalien begin in Januarie 2001 by Framesby nadat sy vir 14 jaar by Brandwag en 6 jaar by Tehillah Christelike Akademie onderwys gegee het. Haar passie was nog altyd om 'n verskil in kinders se lewens te maak en sy doen in 1990 haar honeurs (BEd) met Besondere Orthopedagogiek (Remediëring) as hoofvak.

Buiten klasgee, het Andalien 'vry periodes en baie pouses in haar klas/kantoor deurgebring om kinders te beraad (waarvoor sy aanvanklik by Framesby aangestel is) en natuurlik met studiemetodes by te staan. Haar Christelike waardes was op alle gebiede duidelik sigbaar en so het sy haar netbalspanne, van o/14 tot eerste-spanne met die kreet "Krag, sterkte, oorwinning" (uit Eksodus) tot hoër hoogte sgelei.

As 'n meisie van die platteland, is haar wortels in Afrikaans gelê en is dit nie verbasend dat sy baie aktief by Landsdiens en CSV betrokke was nie.

'n Nuwe toekoms wag, waar sy in die oggende haar eerste kleinseun gaan grootmaak (en hopelik die ander wat nog beplan word) en haar smiddae gaan toespits op haar passie deur kinders met studiemetodes en leerprobleme by te staan.



DIE KOSBLIK

MIDDAGETES TEEN R25

Beskikbaar tweede pouse en na skool slegs op bestelling

Week 1

MAANDAG

Oond geroosterde Hoender fillet, Aartappelwiggies en Griekese slaai

DINSDAG

Maccaroni en Kaas en slaai

WOENSDAG

Gekrummelde Hoender Salsa Vlerkies

Pasta slaai en Groen Slaai

DONDERDAG

Boerewors rol met tamatie en uie smoor en Aartappel Skyfies

VRYPDAG

Hoender Prego Rolletjie met soet patat skyfies

VIR BESTELLINGS:

DUANNE: 071 571 3648

E-POS: WSPE.FRAMESBYHS@EMPACTGROUP.CO.ZA



DIE HANGER

Ramble Rugzak

R 650 BESKIKBAAR IN DIE HANGER.

KWALITEIT

DUURSAAM

GEWAARBORGDE PRODUK



PLEK VIR NAAMPLAATJIE

SKOOLWAPEN GEBORDUUR



Ondersteun Hoërskool Framesby deur Samba

Sluit vandag aan by Samba en deel in die voordele.

Sms nou "FRAMESBY" na 30907

Samba sal u kontak vir lidmaatskap.



www.sambakoop.com

Samba Koöperatief Beperk is 'n gemagtigde FDV (Nr. 18212) en 'n geregistreerde KDV (NCRCP 1270). Termes en voorwaardes geld

Wat is die VOORDELE om by SAMBA aan te sluit as lid?

- 'n Kontant-terug-bonus op aankope word jaarliks gedurende November aan lede uit betaal
- Sambalede kry tot 50 dae rentevrye krediet vir aankope
- Geen maandelikse fooie of transaksiekoste nie
- Tot 10% kontant-terug-bonus op aankope (brandstof uitgesluit)
- Samba fasiliteer korttermynversekeringpremies deur Santam, Hollard en Bryte
- Die maandelikse premie kwalifiseer vir 'n maandelikse bonus
- Mediese gapingdekking deur Optivest en Stratum
- Bekostigbare gesins begrafnisbystandfonds
- Na 6 maande lidmaatskap kan lede aansoek doen vir motorfinansiering en ander batefinansiering teen 'n gekoppelde rentekoers of vaste rentekoers van 12%* per jaar
- Persoonlike lenings teen 'n gekoppelde rentekoers of vaste rentekoers van 9.5%* per jaar kan voor aansoek gedoen word na een jaar van lidmaatskap
- 'n Bedrag van Samba se diverse wins in vergelyking met hul jaarlikse aankope word ook aan lede toegeken
- Dit alles en nog meer is beskikbaar teen 'n minimale kaartfooie van R294* per kaart per jaar

Hoe werk die rentevrye krediet vir aankope?

Die Sambarekening sluit alle aankope in vanaf die 16de van 'n maand tot en met die 15de van die volgende maand. Lede sal hul Sambarekening ontvang voor die laaste week van elke maand.

Die uitstaande bedrag moet betaal word voor of op die 5de van die daaropvolgende maand om te kwalifiseer vir u bonus. Bv. Die Samba aankope maand loop vanaf 16 Januarie – 15 Februarie met die volle bedrag betaalbaar teen 5 Maart.

Hoe doen ek aansoek vir lidmaatskap?

Voltooi 'n aansoekvorm en stuur die voltooide aansoekvorm terug na Samba tesame met u nuutste maand se bankstaat en salarisstrokie OF slegs u nuutste maand se salarisstrokie, afskrif van u ID en 'n bewys van adres na aansoek@sambakoop.com.

Aansoekvorms is beskikbaar op ons webblad by www.sambakoop.com of stuur vir ons 'n e-pos na aansoek@sambakoop.com. of skakel u naaste Samba-kantoor by Bloemfontein: 051 448 0111, Kimberley: 053 831 1976/7 en Port Elizabeth: 041 363 2727.

FRAMESBY OUDSKOLIERE



ONS GESELS MET: YVETTE EN LIZELLE DE LANGE



Yvette en Lizelle de Lange

Sommer net 'n storie – 'n doodgewone ene...Die wel en weë van die De Lange-tweeling

• Geskryf deur Yvette de Lange (die jongste van die twee)

Twee en veertig jaar later...en ek skryf wragtie weer vir die Framesby skoolkoerant! My eerste bydrae tot die destydse "Kinkel" was in 1976 as rou standerd sessie: Die dae van wasvelle en afrolmasjiene! Ja, vanjaar slaan ek en my 1980 mede-matrikulante ses dekades op die ouderdomsmetertjie...steeds is die herinneringe aan die "handhaaf-en-bou" dae vars.

Die voordeel van (identiese) tweelingskap: Twee vaar beter as een – in hierdie geval as St 6-sot in 1976. Ek en Lizelle het gou ingeskakel in Dr Dirk Visser ('n kleinneef van my pa) se Framesby heiligdom. Ons broer, Stephan, toe in St 11, het hom nie aan sy toe nog irriterende sussies by die skool gesteur nie! Met trots het

ons die gestrepte baadjies gedra, saam met ons vriendinne wat van ander skole by ons aangesluit het soos Zona van Niekerk (nou Rens). Sy bevind haar tans in Australië en ons praat nog STEEDS land en sand...amper elke dag! Stroomonderwys was die inding en klasse is van A – E ingedeel, met die A-klas wat Engels as Eerste Taal kon neem. Dit was kastig die “slim klas”, maar beslis ook die lewendige (stout!) klas! Die nimlike mej Sandra du Plessis (ek onthou haar in ‘n kanariegeel baadjiepak) was ons St 6A-registerasook Afrikaans onnie. As ek reg onthou, het sy nogal ‘n lang pad saam met ons gestap, want sy het eendag in matriek vir Mnr Herman Koornhoff gaan roep omdat ons bietjie “ontstuimig” opgetree het in die klas. Laasgenoemde het ons goed die kop gewas, omdat die oorgrote meerderheid van ons op die leerlingraad was. (ek het my eie wapentjie onder my poniestert probeer verdoesel...!) Wel, met name soos Ingemar Loubser, Heine Dill, Jorrie Jordaan, Michiel Kritzinger (ja, ons skoolhoof se seun), hét ons oor genoeg kreatiwiteit beskik om die hele personeel goed besig te hou!

Terug na standard ses...die Landsdiensklub was groot. Heerlike Vrydaemiddae van sing-in-‘n-kring, konserte, kampe by Collindale in Oos-Londen en baie lief-en-leed (Lees: R-O-M-A-N-S-E-S). CSV was ook ‘n hoogtepunt – ek onthou iewers dat my kring (Hesta Zaayman was ons leier...dink ek) bo-op die projektorkamer se dak ontmoet het. Mnr Pieter Spies was die onderwyser in beheer – jare later kon ek sy eie jonge Pieter Spies jnr in my Sub.A-klas by Laerskool Lorraine die ABC en somme leer en weer die bande versterk.

1976 was ook die jaar wat Framesby die heel eerste keer op die atletiekbaan spiere gebult en Pearson asook Andrew Rabie in die PE Walmerbyeenkoms in die stof laat byt het. Elke leerling van die skool het dit bygewoon (destydse Oval asbaan) en op pad terug in die busse is daar geskree en geil (en seker ook gevry – daai tyd was ek te skaam om na die agterste sitplekke te loer...ek was ‘n junior!) ‘n Ononderbroke segetog het gevolg asook die tradisie om die dag daarna as skool in ‘n kring op die rugbyveld te versamel en te sing om dit te vier.

Ons absolute (Wiskunde)vrees vir mnr Peet Vermaak het vir my en Lizelle toe NIE laat ontluik in middelaafstand atlete nie, ten spyte daarvan dat mnr Vermaak blykbaar “potensiaal” gesien het. Jare later het Lizelle drie Comrades ultramarathons asook die Parys (Frankryk) marathon se medaljes as bewys en het ek ook ‘n rits halfmarathons agter die blad. (Ons hardloop nog steeds – ons groot en gunstelingtydverdryf) En so verloop die jare – Mnr Dudley vermaak ons met sy droë humorsin in die Boekhouklas, Mej Malherbe weeg ons in die LO-klas en skree die syfers uit aan iemand wat dit neerskryf op ‘n lys (en ons maak nie ‘n hofsaak teen die skool vir menseregteskending nie), ons moét stort na elke LO-les, ons leer van die Rooi Gevaar tydens Jeugweerbaarheid en ook om knope aan te werk, gloeilampies om te ruil...o ja, ook motorbande. Dit alles terwyl die seuns marsjeer en die kadetorkes vals-vals die ritme aandui. Later sorg juf Minnie vir die groot lekkerte van trompoppies, word ek en Lizelle sub-leiers en swaai ons lustig die stokke (en heupies) rond.



Netbal is ons groot liefde – ek en Lizelle is meeste van die tyd in die A-spanne as AV en VV en in matriek beland ek en Karin van der Merwe in die OP Skaduspan (so lekker ou troosprys, met erekleure op die koop toe) Rugby is die koning-van-sporte, tot groot irritasie van die dogters wat ewe hard spook op die sportveld en minder aandag kry.

Aanvanklik hou die seuns en dogters apart pouse. Punt. Al wanneer ons verby “die lyn” beweeg, is om badkamer of snoepie toe te gaan. Dan wéét die seuns “waarheen-jy op-pad-is” en gevolglik knyp-knyp jy maar eerder tot tweeuur, want vra is nie regtig vry tydens klastyd nie. Seuns word gereeld na kamer 11 afgemarsjeer vir 3,4 of 6 van die bestes na (dikwels geringe) oortredings. By die skoolfielks vry sommige kinders skelm en word ander (lees: Yvette) kantoor toe geroep omdat hulle hand aan hand loop buite die skool se hekke op pad motor toe! Waarnemende skoolhoof, WMD van Zyl, het hom sterk teen sulke “afvallige gedrag” uitgespreek! Teen matriek kuier ons pouses saam en blom die liefde tussen byvoorbeeld Ingemar en Annemarie asook Alan en Leonie. ‘n Paar van ons se harte word “gebreek”, maar ons beweeg vrolik voort en geniet die wipwaentjierit van ons skooljare.

Ons hou ‘n wakkerbly (ja, reg deur die nag) en versier die skoolsaal vir die 1979-matrieks. As kelners en kelnerinne kuier en dans ons ook dat die stof so staan! Ons eie matriekafskeid is ook heerlik en my groep sluit af met onskuldige koek-en-koffie by Mnr Kritzinger se huis. (Michiel se pa en ma). Ons plaas die skool in die koerant met ons uitslae: 17 gemiddelde A’s! (Ek dink ek was tiende) Ons presteer die beste in die hele Kaapland.

Ek en Lizelle gaan studeer onderwys aan die Universiteit van Port Elizabeth – “the campus by the sea”! Ons is in verskillende koshuise en geniet ons varsitylewe vreeslik. Ek word aangewys as een van twee “beste eerstejaars in die opvoedkunde” en kry ‘n volle honderd randjies ekstra! In 1982 ontmoet ek my man, Kobie Moolman, ‘n ou-Gilliaan van Somerset-Oos. (Ons trou eers in 1988) Herinneringe aan Framesby / Gill Kollege kragmetings en die “smart” koshuiseuns met hulle roomwit erebaadjies en “cheese cutters” in Somerset-Oos aan die voet van die Bosberg, kom terug...

Nouja – nou het ek my 7000 woorde van die dag opgebruik. Hopeloos te min – kan nog so baie vertel... Ek was (“contrary to the belief”) maar baie skaam en onseker van myself op skool en was nie juis in die “cool groep” nie. Met die 20-jaar reunie in 2002, besef ek dat ander mense my darem in ‘n beter lig beskou het en mymer ek saam met my matrieks oor grootword-en-groeipyne, wanindrukke en die lewe! Handhaaf en bou voort, my Alma Mater! Ons hou julle dop!

NS: Die vraag op ons almal se lippe: Wat het van Miss Addison (Engels) en Juf. Sandra Du Plessis geword?



Die De Lange-tweeling...	Yvette Moolman	Lizelle le Roux (oudste : 10 minute!)
Huweliksmaat	Kobie – Nedbank Private Wealth	Johan – WNNR (was biologie onderwyser by Framesby!)
Kinders	Renier (31-jarige meganiese ingenieur) Ilse (28-jarige mediese dokter)	Jéan (31 -jarige siviele ingenieur) Nico (29-jarige landboukundige)
Woonplek	Pretoria – tree 13 April uit en verhuis dan na ‘n (nog onbekende) kUSDorp...besluit nog!	Uitgetree en woon in die skone Plettenbergbaai
Stede waar ons al gebly en gewerk het	PE, Grahamstad, George, Kaapstad, Bloemfontein, Johannesburg, Pretoria (as jou man ‘n bankier is...)	PE, Pretoria
Vakke en grade onderrig	Van Sub A tot matriek!(behalwe gr 4!) – Al Gr 1 verwelkomingsdae tot matriekafskeide gereël ☺ Vak – Afrikaans	Hoërskool - aanvanklik LO en Afrikaans, later Wiskunde (minder merkwerk!)
Prestasies? (onbelangrik)	Die grootste genade is goeie gesondheid en ‘n lewende geloof in God. Ons ouers leef nog albei en ons omhels elke dag die lewe in dankbaarheid.	
Lewenswyse	Buitelug avonture en fisiese aktiwiteite – kamp, “hike”, draf, fietsry en ervarings in Botswana en Namibië. Lief vir Europa en Lizelle was al ook in Viëtnam en Borneo.	



OUDSKOLIERE BERIGTE:

Indien jy iemand vir die Oudskoliere-berig wil nomineer, kontak ons gerus : mediasentrum@framesby.co.za.

Ons wil graag berigte plaas van al ons oudskoliere, maar benodig hul selfoonnommer/e-pos om kontak te maak.

Dis altyd lekker om te hoor waar ons oudskoliere hulself vandag bevind sowel as om terug te kyk na almal se Framesby herinneringe.



FRAMESBY

OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na fos@framesby.co.za sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

U inligting bly hoogs vertroulik.

Die rede hoekom ons u ID-nommer benodig, is om te verhoed dat ons duplikate op ons sisteem stoor.





IT on the move

✉ marinda@itonthemovepe.co.za

☎ 083 580 0191

- ☁ **ELECTRONICS**
- 📺 **CONSUMABLES**
- 💻 **COMPUTERS**
- 💻 **LAPTOPS**
- 📹 **CCTV**
- 🔧 **REPAIRS**

👍 Like us on
Facebook

📍 Shop 31, Sunridge Village Shopping Centre
Kragga Kamma Road, Sunridge, Port Elizabeth

LINKQNET INVERTERS

900watt Combo **R4999**
(Includes x1 102Ah Deep Cycle Battery)

1600watt Combo **R6999**
(Includes x2 102Ah Deep Cycle Batteries)

Both these units comes with a
2 year Carry in Manufacturer Warranty.

LinkQnet



SYNAPSE INVERTERS

3KVA INVERTER + 2 BATTERIES **R9 999**

5KVA INVERTER + 4 BATTERIES **R21 999**



STAY PLUGGED IN
DURING
LOADSHEDDING